

آبونه شرائطی

داخلی، خارجی، مریر ایچون
سنه لکی (۲۵۰)، آلتی آیلنی

(۱۳۰) غروشدور.

نسخه سی ۵ غروش،

سنه لکی ۵۲ نسخه در

اداره خانه

باب عالی جاده سنده دائرة مخصوصه

اخطارات

آبونه بدلی یغیندر

مسلكه موافق آثار مع المذنبه

قبول اولتور. درج ایدلهین

یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ادیب

اتبعون اهدکم سبیل الرشاد

حد: ۴۴۸

۱۸ صفر ۱۳۳۸

پنجشنبه

۱۳ تشرین ثانی ۱۲۳۵

جلد ۱۸

سریلک

سریلک ۱۳۳۰

دینی، فلسفی، علمی، ادبی، سیاسی هفتعلق مجموعه اسلامیه در

صاحب و مدیر مسئول

باش محرر

اخطارات

ادرس تبدیلنده آیرجه بش

غروش کوندرملیدر

مکتوبلارک اضالری واضح

واوقوناقلی اولسی و آبونه صره

نوعروسنی محترمی بولنسی

لازمدر

ممالک ایشیه ایچون آبونه اولانلرک

آدرس لری ناک فرانسزجه ده یازلسی

رجا اولتور

باره کوندردیک زمان نهیه دائر

اولدینی واضحاً بیله یرلسی

رجا اولتور

عاصم

۸

— عجبا حجری موافق کورہ جکر می کہ ؟

— آی ی ..

حاکمک رأینہ ، وجدانہ قالمش برشی .

سن دہ کور کندنی برکزه ...

— بکی ، اولادم ،

کورہیم .. باشقہ نہ یایسہم کہ ؟ شاشیردم قالم !

یتدم آرتیق .. بیله مزسک نہ قدر یتدی کمی ؟

آہ کورسہم شو جهاندن ییقلوب کتدی کمی ! ..

نہ کبرمز ، نہ کوتوک بنہ کہ هیچ قاغشامامش !

بونی رہم بکا «صاعلق» دیشہ بردن یامامش ؟

ایستہم ، کندینک اولسون ! ..

— نہ دیورسک ہلہ باق !

— براق اوغلم آزیحق قلبی دوکسون شو بوناق !

بکا دنیاہ نہ یر قالدی ، امین اول ، نددہ یار ؟

آرادم کوچک ایچون باشقہ زمین ، باشقہ دیار .

بونالان روحہ ایستر بر اوزون بویلو سفر ..

یاشامقدن نہ چیقار کونلرم اولدقہ ہدر ؟

برکولر چہرہ سزوب کولدیکی یوقدر یوزیمک ؟

کیجہ دن فرقنی کورمش دکم کوندوزیمک !

سنہلر وارکہ : خراب اولمادیغم کون ییلمم ..

کزرم آبدالہ چیقمش کی سرسم سرسم !

دیکیلیر قارشیمہ ہب کورمدیکم ، ییلمدیکم ؟

صورارم کندیمہ : غمہ بندہ می ، حیرتہ می ؟

یوقلارم طاشلری ، طوپراقلری : ایزلر قان ایزی ؟

یوردیمک قان قوصویور موس مور اوزامش دیزی !

تور اوج بش باجا قالمش .. اودہ سیرک ، سیرک ..

آشنا بریووا اولسون سچہ ییلسہم دیہرک ،

باقینرکن دو یارم کوزلریمک یاندیغنی :

صارار اطرافی ملیونلہ صیجاق کول ییغنی !

نہ او کوم کوک درہلر وار ، نہ او زمرد طاغلر ؟

نہ او فیشقیرمش اکیلر ، نہ او جوشقون باغلر .

شیمدی قیزغین کونک آلتندہ ینسکلر ، بکلر ،

سادہ یالچین قایالر ، سادہ ایپایصسر جوللر !

یوردی باشند باشہ ویرانہ یہ دونمش تورکک ..

دونکی شن ، شاطر او جاقلر یاتیور یردہ بوکون !

کوندوز انسان سسی دویماز ، کیجہ کورمز برایشیق ،

یولجی خایقیرسہدہ باقوش کی چیغلیق چیغلیق !

«بودیاریک ہانی صاحبیری ؟» دیرسک .. جنلر

«ہانی صاحبیری ؟» دیر قارشیکی طاغدن بوسفر !

زردہ ارطغرلی قویتندہ بویوتمش اوبالر ؟

ہانی عثمان کی ، اورخان کی کوربوز بابالر ؟

ہانی برشانی سلیمان پاشا ؟ برقانی سلیم ؟

آہ بریلدیرم اولسون ، کورہ مزسک نہ الیم !

ہانی ، جندیلری شاہین کی جیلان قووالار ،

کوپورور ، طالعہ لانیز ، یمیشیل انکین اووالر ؟

ہانی ، تاریخی صورولدقہ مفاخر سویلر ،

قہرمانلر یتیشن طوپراغی زنکین کویلر ؟

ہانی اورمان کی آفاقی دہش مزراقلر ؟

ہانی اتلر کی صحرائی اشن قیصرقلر ؟

ہانی آی پارچہ سی قیزلرکہ قوشار اویناردی ؟

ہانی آی پارچہ سی کوکسندہ کلینلر واردی ؟

بوکون آرتیق بری یوق .. ہبسی ماصال ، ہبسی یالان ..

بر او یولماز یاردہر ، وارسہ ، یورکلردہ قالان !

محمد عاکف

بسم اللہ الرحمن الرحیم

ولقد علمتم الذین اعتدوا منکم فی السبت فقلنا لهم کونوا قرۃ
خاصین . فجعلناہا نکالا لما بین یدیہا وما خلفہا وموعظۃ للمتقین .

مآل گری

ہانی سزلردن تورات ایلہ عمل ایڈہ جکرہ دائر عہد آشدق ، سوکرہ
بونی نقض ایڈیکر ایچون طوری اوزریکرہ قالدیرہرق دیمشدک کہ : «ویردی کمز
کتابی کال جدیلہ آلیکز وایچندہ کئی دائما خاطر یکرہدہ بولندیریکز ؛ بوصورتلہ
بلکہ متقیلر زمرہ سنہ داخل اولورسکر . سز تکرار عہدہ وفادن یوز
چویردیکر ؛ اگر اللہک لطف وتوفیق امدادیکرہ یتشمسہ یدی خسرانہ دوشنلردن
اولمش کیتشدیکز . ایچکزدن جمہ ایرتسی کونلرینی تعظیمدہ اعتدا ایدنلری
البتہ بیلیدیکر ، ایشتہ بز اولرہ «رحمت الہیہ دن مطرود مایونلر شکلہ
کیریکز» دیمشدک وبونی کندیلرندن اول کلشترلہ سوکرہ دن کلہ جکر ایچون
برجزا واللہدن قورقانلر ایچون برعبرت قیلدق .

حق تعالیٰ ، بنی اسرائیلہ سبت کونلرندہ بالقی آلامہ یی تحریم
ایدرک صحیف سماویہ نک اوامریہ درجۃ انقیادلرینی ، ایمانلرینک قوتی ،
تکالیف الہیہ نہ قدر رعایتکار اولدقلرینی تجربہ بیورمشدی .

بوکافارشی بونلر نہ یابدیلر ؟ اولہ برطریق ضلالہ صابمق ایستہ دیلر کہ :
ظاہراً خشوع وانقیادہ دلالت ایتسین ، باطناً اوامر الہیہ عصیان
اولسون ، فقط عامۃ ناس بوکا عقل ایردیرہ مہ سین . یعنی حیلہ یولنی
طوتدیلر ویابدقلری اعمال منکرہ یی تنقید وتعقیقندن وارستہ قالہ حق
برقالہ صوقدیلر .

عامۃ ناسک کوزینی بویامہ یی قصد ایتمکلہ بو جاہللر اونوتدیلر کہ
خلقدن احتراز ایتدکلری حالہ اللہدن قورقماقلرینی کوستردیلر .
ایشلہ دکلری قبائحہ شریعت سنوسی ویرمکلہ بونلری انظار عامہ دن

صاقلامش اولیورلردی. فقط جناب حقک هر نه ایشله سهر، ایشله دکلیری
هانکی رنکه بویاسهر هپسینه مطلع اولدیغندن غفلت ایدیورلردی.
ایشته بونلر شهوات نفسیه لری تطمین یولنده اوامر ربانییه عصیان
ایچون بر طاقم حیل شیطانییه مراجعت ایدرک بوحیله لک اللهک نظر
ندن ده قاچه جغنی تخمین ایتدیلر. عامیه تعالیم دینییه مخالفت ایتدکلیری
کوستره رک بالق اولامق ویمک ایچون درلودرلو شیطنتلر ایجاد ایدیور،
بعضیلری صویک مجراسنه دلیکلی برسد چکرک بوسدک ایچنده محصور
قالان بالقاری طوتیور و براعتراض واقع اولنجه: «خایر بز بالق اولامدق.
اللرمزله طوتدق» دییورلر؛ یاخود دها باشقه یوللره صاپه رق عینی
نتیجهیه دسترس اولیورلردی.

واقعا بونلر هر کسی آلاقمده، هر کسک کوزنی بویامقده موفق
اولدیلر. فقط بویله یاغمله نزد آلهیده برشی قازاندیلر می؟ بوکی حیلله
مراجعتله آرزولرینی، شهوات نفسانیه لری تطمین ایتدیلر. فقط
اللهک عقابندن قور تولدیلر می؟ بوچیرکین عصیانلرینی نظر آلهیدن
صاقلایلدیلر می؟ اصلا. بالعکس یاقدق لریک جزاسنه اوغرا دیلر،
ذلت و حقارتیه محکوم اولدیلر.

جناب حق بونلره دوغرو یولی کوستردکدن، حیلله نک شفاف
اورتولریله اورتونه رک طریق مخالفتیه صاپاملرینی امر ایتدکدن صکره
سبت کونلری بالق طوتمملرینی امر ایتکله اونلری تجربه ایتمشدی.
فقط بونلر شهوات نفسانیه لرینه مغلوب اوله رق مواهب عقلیه لری
دینلریک دائره تکلیفندن چیقمقده استخدام ایتدیلر. ایشته بونک اوزرینه
جناب حق بونلرک انسان کی دوشونه رک، طاشینه رق عقل سلیم انسانینک
مقتضیاتنی یا پالردن دکل، مایمونلر کی قارشیدن عقلی کوروندیکی حالده
بر حیواندن عبارت و بوتون مهارتی تقلیددن باشقه برشی اولیانلرک
عدادینه ادخال ایلدی. بویله جه بونلر کندی نفسلری ایچون قبول
ایتدکلی درک یه ایندیلر. آرتیق انسان عاقلک صفت کاشفه سی اولان تفکر
وتعقلدن تبری ایدرک بشقه لریک افعالی تقلید ایله اوکا بکزمه مکدن
بشقه دائمی ذلت و مسکنت ایچنده قالان حیوانلر کی اولدیلر.

شریعتک حرمتنی هتک ایدرک تعالیم دینییه استخفاف، وعلام
غیوبی استغفال ایتمه نک جزاسی اوله رق بوفلا کته دوچار اولدیلر.
بونلرک اثرینه اقفا ایدرک اللهک بخش ایتدیکی مواهب ربانییه تعطیل
ایدنلرک ده جزاسی بودر. بوکیلرک هپسی ذلیل و مسکین مایمونلردر.
بشقه برشی دکلدرد. انسانیت نامنه بونلر ده انجق انسان صورتی
وشکلی واردر.

ایشته بونلرک مایمونقلری بودر. ذلتلری ایسه انسانلق پایه سندن
اینه رک آرتیق انسانلق سوبه سنده یا شامامغه استحقاق کسب ایتلریدر.
آیت کریمه نک بزجه تأویلی بویله در. بعضیلری آیت کریمه ده کی
«کونوا قردة» امرینی امر تکوینی عد ایتشلردر. حالبوکه مقصد
اونلری، آرزولریله، اراده لریله کندی نفسلری ایچون قبول ایتدکلی
درک یه تنزیل ایتک: بونلرک قدرت تصرف، تفکر اعتباریله انسان

دکل، شوکا بوکا بکزمه مکه جالبشان مایمونلر کی اولملریدر. قرآن
کریمه بونلرک صفی بودر.
«مجاهد» دیرکه: بونلر مایمون مسخ ایدیلده دیلر. بوجناب حقک
اونلره ایراد ایتدیکی برمشلردر. وینه مجاهددن روایت اولنیورکه: بونلرک
قلبلری مسخ اولمش، مایمونلرک قلبی کی وعظ قبول ایده جک،
نواھیدن اجتناب ایده جک حالدن چیقمشدر. مجاهدک بیانی بزم ایضا حاتمزدن
آیرلما مقده در.

بوآیت کریمه ده متقیلره بیوک بر عبرت واردر. حدود آلهیه
تجاوز ایتماک؛ نواھیدن، منکراندن اوزاقلاشمق لازمدر.
هیچ شبهه سز علما وائمة اسلام هر کسدن زیاده بوآیت کریمه دن؛
ظاهراً اللهی آلاقمق، باطناً اونکله محاربه ایتک یوزندن بی اسرائیلک
باشنه کلن بوفلا کتدن عبرتین اولمیدرلر. حالبوکه بونلر بی اسرائیلک
یولنی طوتارق حیلله مراجعتله بونلری دینک تعالیمی میانه ادخال
و «حیل شرعی» نامیله برچوق فصللر یازمشلر؛ بوحیله لری برطاقم
زوالیلره تلقین ایتشلردر. شریعت، بوکی شیلردن بری در. بونلر
اویله شیلر یاییورلرکه بردانه سندن طولانی جناب حق بی اسرائیلی
تعذیب ایتمشدی. کنندینه علمای اسلام سوسی ورن بومدعیار اللهی
حقیه بیلسهر، حقیه تقدیر ایتسه لردی قطعیا بویوله صاپاملریدر.
جاهلر، غافلر بوآیت کریمه دن اوتانسینلر. حیلله پرده سی آرقه سندن
الله اعلان خصومت ایدرک شهوات نفسیه لری تطمینک قاقبتنی تأمل
ایتسینلر!

بز بوحیله موضوعه تکرار دونه جکر.

عبدالمزیز چاویش

وها بیلک

۴

افاضل علمای اسلامیة دن شیخ الاسلام حیدری زاده ابراهیم افندی
حضرتلری طرفندن مقدما یازیلوب مسلسلأ نشر ایتمکده اولدیغنز مقالاتک
دردنجیسنی ده بوکون نشر ایدیوروز. بومهم مبحث دینی برقاچ مقاله دها
دوام ایده جکدر.

مع مافیہ کرک محمدک، کرک محمدک بر قدرت مهمه اجرائیه سی
مقامنده بولان امرای آل سعودک ایستراهل سنت و جماعتدن، ایستر
سائر فرق اسلامیة دن اولسون، کندولرینه مخالف اولانلری بالتکفیر
نصوصی ظواهره حمل ایله شرع شریفک بودرجه ده تشدیدینی امر ایتماش
اولدینی برطاقم مسائلده لزومندن زیاده غلو ایتدکلی کی، اوچنجی
مقاله ده بیان اولتدینی اوزره مذهب وها بیلک طعن و قدسی جهتی
الزام ایدن اووقتک نجد علماسی ده ایلری کتیدیلر. اوت، ابن تیمیه
ایله ابن قیم دخی محمدک موجب تکفیر عد ایتش اولدینی افعالی شرک